



ა(ა)იპ „ბათუმის წმინდა ანდრია პირველწოდებულის
სახელობის სკოლის“

პედაგოგთა საბჭოს დებულება

დამტკიცებულია
სკოლის პედაგოგთა საბჭოს მიერ
ბრძ. #

ბათუმი
10.02.2020 წელი



Handwritten signature and the number '25'.



მუხლი 1. ზოგადი დებულებანი

- 1.1 ა(ა)იპ „ ბათუმის წმინდა ანდრია პირველწოდებულის სახელობის სკოლის“ პედაგოგთა საბჭოს დებულება შემუშავებულია საქართველოს კანონი ზოგადი განათლების შესახებ საფუძველზე.
- 1.2 ა(ა)იპ „ ბათუმის ანდრია პირველწოდებულის სახელობის სკოლის პედაგოგთა საბჭოს დებულებას ამტკიცებს პედაგოგთა საბჭო.
- 1.3 ამ დოკუმენტით განსაზღვრული მუშაობის წესი სავალდებულოა სკოლის ყველა მასწავლებლისათვის.
- 1.4 სკოლის პედაგოგთა საბჭო თავის საქმიანობას ახორციელებს კრების მეშვეობით, საქართველოს “კანონზე ზოგადი განათლების შესახებ“ და სკოლის შიდა აქტებზე დაყრდნობით.

მუხლი 2 . ტერმინთა განმარტება

- 2.1 ამ დებულების მიზნებისაძთვის მასში გამოყენებულ ტერმინებს აქვს შემდეგი მნიშვნელობა:
- ა) არჩევნები – საარჩევნო პროცესი, რომლის დანიშნულება და შედეგია სკოლის პედაგოგიური საბჭოს თავმჯდომარის არჩევა;
- ბ) პედაგოგიური საბჭოს თავმჯდომარე -- პირი, რომელიც სკოლაში ხელმძღვანელობს პედაგოგიურ საბჭოს.
- გ) საარჩევნო უფლება – პედაგოგიური საბჭოს წევრის უფლება იყოს არჩეული პედაგოგიური საბჭოს თავმჯდომარედ ან უფლება გააკეთოს არჩევანი პედაგოგიური საბჭოს თავმჯდომარის ასარჩევად;
- დ) კანდიდატთა რეგისტრაცია -- პედაგოგიური საბჭოს თავმჯდომარეობის კანდიდატის ასარჩევ სიაში შეტანა;
- ე) ხმის დათვლა — პედაგოგიური საბჭოს თავმჯდომარის კანდიდატზე მიცემული ხმების დათვლა სკოლის იურისტის და პედაგოგთა მიერ საკუთარი შემადგენლობიდან შერჩეული წარმომადგენლის მიერ;
- ვ) პედაგოგიური საბჭოს თავმჯდომარეობის კანდიდატი-- პირი, რომელსაც სურს კენჭისყრა აღნიშნული პოზიციის დასაკავებლად;

ზ) პედაგოგის ოქმი – ოფიციალური დოკუმენტი სადაც შეიტანება პედაგოგიური საბჭოს გადაწყვეტილებები. მათ შორის, გადაწყვეტილება, პედაგოგიური საბჭოს თავმჯდომარის არჩევნებზე.

თ) ამომარჩეველი -- საბჭოს ყველა წევრი რომელსაც არჩევნების დროისთვის შრომითი ურთიერთობა აკავშირებს ა(ა)იპ „წმინდა ანდრია პირველწოდებულის სახელობის სკოლასთან“.

ი) ნახევრად ღია წესით არჩევნები -- არჩევნების დროს, პედაგოგთა საერთო კრებაზე დასახელებული პირებიდან, საარჩევნო ფურცელზე მხოლოდ ერთი, ამომარჩევლისთვის სასურველი კანდიდატის გვარ-სახელის შეტანა;

მუხლი 3. სკოლის პედაგოგთა საბჭოს შემადგენლობა

3.1 პედაგოგთა საბჭო არის სკოლის მასწავლებელთა თვითმმართველობის ორგანო.

3.2 პედაგოგთა საბჭოში გაერთიანებულია სკოლის ყველა მასწავლებელი, მასწავლებლობის მაძიებელი და აღმზრდელი.

მუხლი 4. სკოლის პედაგოგთა საბჭოს მოწვევა და უფლებამოსილება

4.1 სკოლის პედაგოგთა საბჭოს სხდომის მოწვევა ხდება სასწავლო წლის განმავლობაში არანაკლებ 2-ჯერ, სკოლის ადმინისტრაციის ან/და სკოლის პედაგოგთა საბჭოს თავმჯდომარის მიერ.

4.2 პედაგოგთა საბჭოს რიგგარეშე სხდომები შეიძლება მოწვეულ იქნას სკოლის დამფუძნებლის, სკოლის ადმინისტრაციის, სკოლის პედაგოგთა არანაკლებ 1/3-ის ინიციატივით და მშობელთა კომიტეტის მიერ;

4.3 სკოლის პედაგოგთა საბჭო უფლებამოსილია თუ მას ესწრება სკოლის პედაგოგთა არანაკლებ 2/3-ისა;

მუხლი 5. სკოლის პედაგოგთა საბჭოს თავმჯდომარე

5.1 პედაგოგთა საბჭოს ხელმძღვანელობს თავმჯდომარე, რომლის პოზიცია არჩევითია.

5.2 პედაგოგთა საბჭოს თავმჯდომარე აირჩევა არანაკლებ 3 (სამი) წლის ვადით. ზედიზედ თავმჯდომარედ ერთიდაიგივე მასწავლებელი შეიძლება არჩეული იქნეს ორი ვადით.

5.3 პედაგოგთა საბჭოს თავმჯდომარედ განიხილება სკოლის მასწავლებელი, რომელიც აკმაყოფილებს შემდეგ მოთხოვნებს:

1. აქვს უმაღლესი განათლება;
2. არის უფროსი, წამყვანი, მენტორი
3. აქვს ამ სკოლაში მუშაობის არანაკლებ 3 წლის სტაჟი;

4. არ წარმოადგენს ადმინისტრაციას ან არჩევნების მომენტისთვის არ უკავია სკოლის რომელიმე არჩევითი ორგანოს ხელმძღვანელის (კათედრის გამგე, დისციპლინური) პოზიცია;

5.4 კანდიდატის . წარდგენის უფლება აქვს პედაგოგიური საბჭოს წევრს;

5.6 კანდიდატის რეგისტრაცია ხორციელდება მხოლოდ კანდიდატად დასახელებული პედაგოგთა საბჭოს წევრის თანხმობის შემდეგ;

5.7 პედაგოგთა საბჭოს თავმჯდომარის რეგისტრაციის შემდეგ, სკოლის იურისტის და პედაგოგთა საბჭოს მიერ , საკუთარი შემადგენლობიდან ნდობით აჭურვილი პირის დახმარებით ტარდება არჩევნები;

5.8 პედაგოგთა საბჭოს წევრის მიერ არჩევანის გაკეთება ნიშნავს სკოლის ბეჭდიან ფურცელზე რეგისტრირებული კანდიდატებიდან სასურველის გვარის გადატანას;

5.9 კანდიდატთა შორის გამარჯვებულად ჩაითვლება ის კანდიდატი, რომელიც ხმათა უმეტესობას დააგროვებს;

5.10 პედაგოგთა საბჭოს ხელმძღვანელობს საბჭოს თავმჯდომარის უფლებამოსილება იწყება მისი არჩევის მომენტიდან და გრძელდება:

1. დებულებით განსაზღვრული უფლებამოსილების ვადის (3 წელი) ამოწურვამდე;

2. საკუთარი სურვილით ან /და კრების ნახევარზე მეტი წევრის ან/და სკოლის დისციპლინური საბჭოს მიმართვის საფუძველზე.

5.11 პედაგოგთა საბჭოს თავმჯდომარე:

1. წარმართავს სხდომებს;

2. ხელს აწერს ოქმებს;

3. ამზადებს / განსახილველ საკითხებს სკოლის ადმინისტრაციასთან შეთანხმებით;

5.12 პედაგოგიური საბჭო ამტკიცებს პედაგოგიური საბჭოს მდივანს, რომელსა ნიშნავს (წარადგენს) საბჭოს თავმჯდომარე.

მუხლი 6. სკოლის პედაგოგთა საბჭოს უფლებამოსილება

6.1 პედაგოგთა საბჭო იხილავს და იღებს სკოლის მართვასა და განვითარებასთან დაკავშირებული ყველა სამართლებრივ დოკუმენტს .

6.2 ამტკიცებს კათედრის თავმჯდომარეებს

6.3 პედაგოგთა საბჭო შეიმუშავებს დასკვნებსა და რეკომენდაციებს სკოლის სასწავლო-სააღმზრდელო საკითხებთან დაკავშირებით. საჭიროების შემთხვევაში, დირექტორთან შეთანხმებით ამტკიცებს ინდივიდუალურ სასწავლო გეგმას;

6.4 საფეხურებისა და საგნების შესაბამისად ამტკიცებს სასწავლო მასალას, მათ შორის, გრიფინიჭებული, პედაგოგების მიერ შერჩეული, სასწავლო წლის განმავლობაში გამოსაყენებელი სახელმძღვანელოების ნუსხას;

6.5 პედაგოგთა საბჭოში მის კომპეტენციაში შემავალ საკითხებზე იქმნება ცალკეული სამუშაო ჯგუფები, რომლებიც ასრულებენ საბჭოს დავალებებს და ანგარიშვალდებულნი არიან მის წინაშე.

მუხლი 7. სკოლის პედაგოგთა საბჭოს მიერ გადაწყვეტილებისმიღება

7.1 პედაგოგთა საბჭოში ყველა წევრი სარგებლობს თანაბარი ხმის უფლებით.

7.2 პედაგოგთა საბჭო გადაწყვეტილებას იღებს ხმების უმრავლესობით (50%+1).

მუხლი 8. ცვლილებები და დამატებები

8.1 ა(ა)იპ „ბათუმის წმიდა ანდრია პირველწოდებულის სახელობის სკოლის“ პედაგოგთა საბჭოს დებულებაში ცვლილებები და დამატებები ხორციელდება სკოლის პედაგოგიური საბჭოს მიერ;

8.2 ცვლილებების და დამატებები მიიღება ღია ან დახურული კენჭისყრით, რის გადაწყვეტილებასაც კრება იღებს საკითხიდან გამომდინარე თავად;

8.3 გადაწყვეტილება მიღებულად ჩაითვლება, თუ მას მხარი დაუჭირა პედაგოგიური საბჭოს შემადგენლობის ნახევარზე მეტმა (50 +1) .